

七十二家集

劉庶子集引

余既定孝綽及孝儀集而繼
以孝威夫孝綽嘗言三筆六
詩至孝勝孝先無預焉今蜀
郡侍中存者寥々乃豫章
庶子遺編尚留庶子集又吟

咏為多殆其語識也蘇子以白
崔頌有聲今不可得觀藉今終
老清朝雍容文諷潤色鴻業
必多可觀顧墨汁未乾而戰血
濺人鐵衣先潰糜雖于圍城
自援得出然西上嶠嶠竟以不

起豫車亦為他寇所逼矣郡
而殞所謂野火焚林蕭艾與
芝蘭同盡乎追數百六如何
可言

張燮識

劉琰子集目錄

卷之一

樂府

釣竿篇

隴頭水

驄馬驅

公無渡河

塘上行苦辛篇

東西門行

怨詩

採蓮曲

小臨海

思歸引

妾薄命篇

鬪雞篇

結客少年場行

行行且遊獵篇

雀乳空井中

半渡溪

獨不見

行幸甘泉宮歌

笙箴譜

驄馬驅

和王竟陵慶安換馬

擬古應教一首

雞鳴篇

烏生八九子

蜀道難

詩

重光詩

侍宴樂遊林光殿曲水

奉和簡文帝太子應令

三日侍皇太子曲水宴

奉和六月壬午應令

登覆舟山望湖北

帆渡吉陽洲同孝儀賦

劉孝儀帆渡吉陽洲附

出新林

郟縣遇見人織率衛寄婦

侍宴賦得龍沙宵明月

奉和晚日

和皇太子春林晚雨

行還值雨又爲清道所駐

望雨

苦暑

奉和逐涼

望樓烏

卷之二

詩

和簡文帝卧疾

簡文帝卧疾附

賦得曲澗

奉和湘東王應令二首

春宵

冬曉

詠織女

七夕穿針

簡文帝七夕穿針附

九月酌菊酒

賦得鳴蜩應令

和定襄侯初筵

古體雅意

詠佳麗

望隔牆花

枯葉竹

和簾裡燭

詠剪採花

禊飲嘉樂殿詠曲水中燭影

賦得香出衣

啓

謝賚宮紙啓

謝賚錦被啓

謝東宮齎屏風啓

謝東宮熊白啓

謝東宮賜聖僧餘饌啓

謝東宮賜淨饌啓

謝晉安王賜婚錢啓

謝東宮齎炭啓

謝東宮齎鹿脯等啓

謝東宮齎藕啓

爲皇太子謝勅齎功德馬啓

謝南康王饌牛啓

書

謝賚林擒書

贊

辟厭青牛畫贊

正旦春雞贊

附錄

劉孝威小傳

唐姚思廉

摘安石榴贈劉孝威

梁王筠

遺事

劉孝威子集卷之一

梁彭城劉孝威孝威著

明閩漳張燮紹和纂

樂府

釣竿篇

釣舟畫彩蠲漁子服冰紈金轄茱萸網銀鈎翡翠竿
歛橈隨水脈急槳渡江湍湍長自不辭前浦有佳期
船交橈影合浦深魚出遲荷張時觸餌菱華乍背絲
蓮度江南手衣渝京兆眉垂竿

自有樂誰能爲太師

隴頭水

從軍戍隴頭隴水帶沙流時觀胡騎飲常爲漢
國羞釁妻成兩劍殺子祀雙鉤頓取樓蘭頸就
解郅支裘勿令如李廣功多遂不酬

一作功遂
不封侯

驄馬驅

十五宦期門二十屯邊徼犀羈玉鏤鞍寶刀金
錯鞘一隨驄馬驅分受青蠅弔且令都護知願
被將軍照誓使氊衣鄉掃地無遺噍

公無渡河

請公無渡河河廣風威厲檣偃落金烏舟傾沒
犀棹糾蓋空嚴祠白馬徒生祭銜石傷寡心筋
城掩嫺袂劍飛猶典水魂流理俱逝君爲川后
臣妾作江妃嬬

塘上行苦辛篇

蒲生伊何陳曲中多苦辛黃金坐銷鑠白玉遂
縑磷裂衣工毀嫡掩袖切讒新嫌成跡易已愛
去理難申秦雲猶變色魯日尚迴輪妾歌已腸

斷君心終未親

東西門行

此似應詔
餞贈之作

廣澤寒欲歇聯檣密纜收天高匝近岫江濶少
舟舫餞淚留神眷離欵切私倚佇變齊兒俗當
傳楚獻囚徒然願重命祇惡思如捕

怨詩

退寵辭金屋見譴斥其良枕席秋風起房櫳明
月懸燭避窓中影香迴爐上煙丹庭斜草徑素
壁點苔錢歌起蒲生曲樂奏下山絃新聲昔廣

宴餘杯今自傳王嬙向絕漢宗女入祁連鴈書
猶未返角馬無歸年昭臺有媵御魯坂無棄捐
後薪隨復積前魚誰更憐

採蓮曲

金槳木蘭船戲採江南蓮蓮香隔浦渡荷葉滿
江鮮房番易入手柄曲自臨盤露花時濕釧風
莖乍拂鋤

小臨海

碣石望山海留連降尊極秦帝枉鉤陳漢家增

禮秩石橋終不成桑田竟難測蜃氣遠生樓
人近潛織空勞帝女填詎動波神色

思歸引

胡地憑良馬懷驕負漢恩甘泉烽火入回中
宮室燔錦車勞遠駕繡衣疲屢奔貳師已喪
律都尉亦銷魂龍堆求援急狐塞請先屯
樞下驅雙駿腰邊帶兩鞬乘障無期限思歸
安可論

妾薄命篇

去年從越障今歲沒胡庭嚴霜封碣石驚沙
暗

昔墜玉簪久落鬢羅衣長挂屏浴蠶思漆水條
桑憶鄭垌寄書朝鮮吏留劍武安亭勿言戎夏
隔但令心契冥不見豐城劍干祀復同形

鬪雞篇

丹雞翠翼張妬敵復專場翅巾含芥粉距外耀
金芒氣踰上黨烈名貫下韜良祭橋愁魏后食
跡忌齊王願賜淮南藥一使雲間翔

結客少年場行

少年本六郡遨遊遍五都插腰銅匕首障日錦

屠蘇鷲羽裝銀鏑犀膠飾象弧近發連雙兔高
彎落九鳥邊城多警急節使滿郊衢居延箭箠
盡疎勒井泉枯正蒙都護接何由憚險途千金
募惡少一揮擒骨都勇餘聊蹴鞠戰罷暫投壺
昔爲北方將今爲南面孤邦君行負弩縣令且
前驅

行行且遊獵篇

之罘講射所上林娛獵場選徒驕楚客召狩誇
胡王罕車已戒道風鳥復起行吹飛具繕繳材

官命蹶張高且撓月兔勁矢射天狼躋地不遑
逸排虛豈及翔日暮勾陳轉風清饒吹颺歸來
宴平樂靈音滯禽荒

崔乳空井中

晉傅玄詩曰鵲巢上
城側崔乳空井中

遠去條支國心知漢德休一作優聊賴丞相府過

令黃霸羞挾子須閒地空井中興尋求輓轡絲綆
絕枯樺冬蘚周將憐羽翼張誰辭各背遊

半渡溪

本厠偏伍伴一戰殄凶渠制勝交犀節驛報紫
泥書入營陳御蓋還家乘紫輿皇恩知己重丹
心恨不紓渡瀘且不畏凌溪噍有餘

獨不見

夫婿結纓簪偏蒙漢寵深中人引卧內副車遊
上林綬染瑯琊草蟬鑄武威金分家移甲第留
妾住河陰獨寢鴛鴦被自理鳳凰琴誰憐雙玉
筍流面復流襟

行幸甘泉宮歌

漢家迎夏畢避暑甘泉宮棧車鳴里鼓駟馬駕
相風校尉烏桓騎待制樓煩弓後旌猶五柞前
簫度九嶷才人豹尾內御酒屬車中輦廻百子
閣扇動七輪風鳴鐘休衛士披圖召後官材官
從校獵涼秋一作戲射熊秋來

塗炭譜

結交在相得骨肉何必親耳言無忠實世薄多
蘇秦從風暫靡草富貴上昇天不見山巔樹摧
折下爲薪豈止井中泥上出作埃塵一作時至一作塵

驄馬驅

翩翩驄馬驅橫行復斜趨先救遼城危後拂燕
山霧風傷易水湄日入隴西樹秦得報君恩聯
翩終不住

和王竟陵愛妾換馬

驄馬出樓蘭一步九盤桓小史贖金絡良工送
玉鞍龍驂來甚易烏孫去實難麟膠妾猶有請
爲急弦彈

擬古應教一首

七言○樂府作孝威詩題
云東飛伯勞歌英華作簡

文帝非也簡
文別有二首

雙棲翡翠兩鶯鶯
巫雲洛月乍相望
誰家妖冶折花枝
蛾眉曼睭使情移
青鋪綠璫琉璃扉
瓊蓮玉筍金縷衣
美人年幾可十餘
含羞嚬笑歛風裾
珠丸出彈不可追
空留可憐持與誰

鷄鳴篇

以下雜言○藝文作簡文帝

時鷄識將曙
長鳴高樹巔
啄葉疑彰羽
排花彊欲前
意氣多驚舉
飄飄獨無侶
陳思助闢協
狸膏廊昭妬
敵安金距
丹田可愛有鳳凰
金門飛

舞有鴛鴦何如五德美豈勝千里翔

烏生八九子

城上烏一年生九雛枝輕巢本狹風多葉早枯
毳毛不自暖張翼強相呼金柅嚴兮翠樓肅蜃
壁光兮椒泥馥虞機衡網不得施猜鷹鷂隼無
由逐永願共棲曾氏冠同瑞周王屋莫啼城上
寒猶賢野中宿羽成翮備各西東丁年賦命有
窮通不見高飛帝輦側遠託日輪中尚逢王吉
箭猶嬰后羿弓豈如變彩救燕質入夢祚昭作

公流聲表師退集幕示營空靈臺已鑄像流
蘇時候風

蜀道難

玉壘高無極銅梁不可攀雙流逆巖道九坂澁
陽關鄧侯策馬度王生歛轡還歛轡懼身死叱
馭奉王猷若恡千金重誰爲萬里侯戲馬吞珠
翠揚舲濯錦流沈犀厰恠水握鏡表靈丘禹山
金碧有光輝遷亭車馬尚輕肥爾想王褒擁節
友更憶相如乘傳歸君平子雲闕不嗣江漢英

靈信已衰

詩

重光詩

并序○以下四言

重光儲后宣制義也

赫赫重光明明二聖帝作儲述禮和樂正中衢
置樽高堂懸鏡其酌不窮其明逾盛德音孔昭
民胥攸詠明明二聖赫赫重光風神灑落容止
汪洋瞻彼談扇載抑載揚何斯天辯如圭如璋
顏闔函席游夏升堂以卿以士惟公惟王思媚
儲后顧哉樂康芄芄黍苗陰雨膏之詵詵纓冕

儲王導之道之以禮齊之以仁禮則探聖言則窮神訓于四國覃于萬民

侍宴樂遊林光殿曲水

蒸哉軒頊赫矣堯心女媧補石重華繁一作金

湯羅禹扇義瑟農琴皇乎備矣受命君臨試舟

五反和樂九成鈎楯秘戲協律新聲丹杯水激

縫彩葩榮天吳還往海若逢迎

奉和簡文帝太子應令以下五言

太子天下本元良萬國貞周朝推上嗣漢代紀

正明前星涵瑞彩
滄霄揚達聲
三善傳樂正
百行紀司成
九流遍已辨
七經咸所精
博聞強子
政高才陵長卿
禮尊逾屈已
德盛益卑情
仙氣
胎一作鍾相儒道推
栢榮延賢博望苑
視膳長安城
園綺隨金輅
浮丘侍玉笙
智叟前歛笏
端士後垂纓
九仙良所重
四海更誰傾
班輪同策
乘甲館
齊江瀛

三日侍皇太子曲水宴

二龍巡夏代
八駿馭周朝
豫遊光帝則
樂飲盛

民謠皇儲遵洛禊濫觴追灞橋掌袂開神籙司
馬動鑾鑣周旗交采毼晉鼓雜清簫旌宮臨廣
隰藻衛爍巖椒蘭樽沿曲岸靈若泝迴潮

奉和六月壬午應令

玄圃棲金碧靈淵挹琨瑤築山圖碣岫穿池控
海潮雷奔石鯨動水濶牽牛遙乘黿猶怯渡鞭
石詎成橋岸崩下生窟壁峭上千霄噪蛙常獨
沸游魚或自跳荒徑橫臨浦空舟斜插撓愁鴟
集古樹白鷺隱青蒲神心重丘壑散步懷漁樵

石渠元卿徑枝挂許由瓢伊臣本寂寞由來畏
市朝爲食止山水所競惟逍遙寄言周伯况勞
君擅縠綃

登覆舟山望湖北

紫川通太液丹岑連少華堂皇更隱映松灌雜
交加荇蒲浮新葉漁舟繞落花浴童爭淺岸漂
女擇平沙極望傷春日迴車歸狹斜

帆渡吉陽洲同孝儀賦

江風

一作潮

凌曉急鉦鼓候晨催幸息榜人唱聊

望高帆開聯村倏忽盡循汀俄頃回疑是傍洲
退似覺前山來將與圖南競誰云勞泝洄

劉孝儀帆渡吉陽洲附

揚帆乘浪華搥鼓要風力近樹儵而遐遙山
俄已逼欲比驚龍掣將頓陽鳥翼客行悲道
遠唯湏前路極

出新林

芒山眠洛邑函谷望秦京遙分承露掌遠見長
安城故鄉已可識遊子必勞情霧罷前林見一作

風息涌川平坐觀暮潮落漸見夕煙生無由
一羽化徒想御風輕

鄧縣遇見人織率爾寄婦

妖姬含怨情織素起秋聲度梭環玉動踏躡珮
珠鳴經稀疑杼澁緯斷恨絲輕葡萄始欲罷鴛
鴦猶未成雲棟共徘徊紗窓相向開窓疎眉語
度紗輕眼笑來籠籠隔淺紗的的見粧華鏤玉
同心藕一作帶雜寶連枝花紅衫向後結金簪臨
鬢斜機頂挂流藕機傍垂結珠青絲引伏兔黃

金繞轆轤豔彩裙邊出芳脂口上渝百城交問
遺五馬共踟躕直爲閨中人守故不要新夢啼
漬花枕覺淚濕羅巾獨眠真自難重衾猶覺寒
逾憶凝脂緩彌想想橫陳歡行驅金絡騎歸就城
南端城南稍有期想子亦勞思羅衣久應罷花
釵堪更治新粧莫點黛余還自畫眉

侍宴賦得龍沙宵明月

鵲飛空繞樹月輪殊未圓嫦娥望不出桂枝稍
隱殘落照移樓影浮光動塹瀾櫪馬悲笳吹城

烏啼塞塞傳聞機杼妾愁余衣服單當秋絡已
脆銜啼織復難歛眉雖不樂舞劍強爲歡請謝
函關吏行當封一丸

奉和晚日

虬簷挂珠箔虹梁卷霜綃迷迭涵香長芙蓉逐
浪擺飛輪搏羽扇翻車引落潮甘泉推激水迎
風慙遠颺寄言王待詔因聲張子儔吾君安已
樂無勞誦洞簫

和皇太子春林晚雨

雲樹交爲密，兩日共成虹。
雷舒長男氣，枝搖少女風。
葉珠隨滴水，簷繩下溜空。
蝶濡飛不颺，花沾色更紅。
明離信養德，能事畢春宮。
誰堪偶鳳吹，唯有浮丘公。

行還值雨又爲瀆邊所駐

齊楚磐石貴，韓吳異姓王。
俱乘早朝罷，相隨出建章。
喧呼驚里閭，叫咷駭康莊。
早駟同隼擊，青索似鷹揚。
掖門南北遠，複道東西長。
旛旗爭絡繹，官騎鬱相望。
微風生祭傳，輕雨潤帷裳。
油衣

分荒遺小蓋列成行八舍便繁密五營輿服光
廻車避司隸俄軒揖內卽况余白屋士自依卑
路傍日月雖臨照仄陋難明敞早榮羞日及晚
知慙豫章徒抱凌雲志終愧摩天翔安能久淪
辱圖南會有方

望雨

清陰蕩暄濁飛雨入階廊瞻空亂無緒望雷耿
成行交枝含曉潤雜葉帶新光浮芥離還聚沿
漚滅復張浴禽飄落毳風若散餘香琉璃挂繡

暮象簾列華牀侍童拂羽扇厨人奉盥漿

內則有漿

有盥注盥涼也

寄言楚臺客雄風詎獨涼

苦暑

暮日苦炎溽遷坐接階廊月麗姮娥影星含織
女光棲禽動夜竹流螢出闌墻香盤糝鮮粉雕
壺承玉漿白羽徒垂握綠水自周堂弱紈猶覺
重纖絺尚少涼弄風思漢朔戲雨憶吳王玄水
術難驗赤道漏猶長誰能更吹律還令黍谷涼

奉和逐涼

鐘鳴夜未央避暑起徬徨長河似曳素明星若
散璫倚巖欣石冷臨池愛水涼月纖張敞畫荷
妖韓壽香對此遊清夜何勞娛洞房

望棲鳥

夕鳥飛參差單雄雜寡雌聯翩歸葉裡出沒噪
林垂爭棲時易樹驚飛忽度枝雖無繫書重亦
有含纓疲以茲憔悴力重逢輕薄兒珠九蘇合
彈金綴青絲縻豈意翩翹羽遂免更羸危入懷
欣得地依林竊願知

劉庶子集卷之二

梁彭城劉孝威孝威著

明閩漳張 燮紹和纂

詩

和簡文帝卧疾

玉躬耗寒暑群望崇珪璧仁祀盛黃纁禮壇優
紆席憊均楚疾愈俄同宋年益豈勞調賦臣寧
用觀濤客

簡文帝卧疾附

沈疴類弩影積弊似河魚詎逢龍子浴空歎
楚王薤

賦得曲澗

淵流急易轉溪竹暗難開近樓俄已失前洲忽
復迴石斧生寒蘚沈根漬水苔菱舟失道去歸
鳧迷徑來

奉和湘東王應令二首

春宵

花開人不歸節暖衣須變迴釵挂反環拭淚繩

春線今夜月輪圓胡兵必應戰

冬曉

妾家邊洛城慣識曉鐘聲鐘聲猶未盡漢使報
應行天寒硯冰凍心悲書不成

詠織女

玉臺初學
作孝儀

金鈿已照耀白日未蹉跎欲待黃昏至含嬌渡

淺河

七夕穿針

和簡
文

縷亂恐風來衫輕羞指現故穿雙眼針持縫合

歡扇

簡文帝七夕穿針附

憐從帳裏出想見夜窓開針欹疑月暗縷散
怪風來

九月酌菊酒

露花疑始摘羅衣似適薰餘杯度不取欲持嬌
使君

賦得鳴螭應令

雜扇雖俱歛交行忿自分轉袖時繞腕揚屐自

開裙

和定襄侯初筵

合鬟仍昔髮
略鬢卽前絲
從今一梳罷
無復更縈時

古體雜意

朝日大風霜
寄事足交傷
葉落枝柯淨
常自起
恭張

詠佳麗

可憐將可念
可念直千金
唯言有一恨
恨不遂

人心

望隔牆花

隔牆花半隱猶見動花枝當由美人摘詎止春風吹

枯葉竹

枯楊猶更綠卧柳尚還生勿嫌鳳不至終當待聖明

和蘆裡燭

開關簾影出參差風焰斜浮光燭綺帶凝滴

垂花

詠剪綵花

葉舒非漸大
花發是初開
無論人訝似
蜂見也爭來

襖飲嘉樂殿詠曲水中燭影

七言

火浣花心猶未長
金枝密燭已流芳
芙蓉池畔涵停影
桃花水脈引行光

賦得香出衣

雜言

香出衣步近氣逾飛
博山登高用鄴錦含情動

麝比洛妃香纓麝帶縫金縷瓊花玉勝綴珠微
蘇合故年微恨歇都梁路遠恐非新猶賢漢君
芳千里尚笑荀令止三旬

啓

謝賚宮紙啓

臣與謝嘏俱慙具聖臣之衝梯實愧舉殿之巧
嘏之城壘特無禽子之守攻弱侮亡其勞甚薄
策勲行賞爲渥過隆雖復鄴殿鳳衝漢朝魚網
平準桃花中宮穀樹固以慙茲靡滑請此鮮華

謝賚錦被啓

色豔蒲桃采踰聯璧鄂君煇繡楚侍羞珠雖復
帝賜鶴綾客贈鴛綺高懸麗藻遠謝鮮明漢老
悅其怪文魏馬驚其香氣

謝勅賚畫屏風啓

昔紀亮所隔帷珍雲母武秋所顧正貴琉璃豈
若寫帝臺之基拂崑山之碧畫巧異金素踰魏
賜馮商莫能賦李尤誰敢銘

謝賚熊白啓

竊以館有射熊之名臺無走狗之號上林絕胡
人之搏禁地無張京之犯而突出羽川來攀御
檻充踰厚壁殆貳朱公之價色麗燭銀將堪穆
王之寶

謝東宮賜聖僧餘饌啓

齊桓柏寢之器周穆軒宮之寶乳糜香飯素糝
糗漿五杏七桃靈瓜仙漿莫不氣馥上天薰流
下界石崇芳果金谷僅於萬株陳湯木滋杜陵
幾于千樹猶自高謝珍奇多慙品族

謝東宮賜淨饌啓

糜獻牛牧飯出龍宮千品甘露之食百花珍藥
之果餅蒸醴乳漿苞蔗糝雕盤流其滋旨寶器
委其苞香是使五世長者羞彼識味一角仙人
恥其呪術微物多幸叨奉曲恩慙命可捐殊私
難答

謝晉安王賜婚錢啓

孝威問吉已通請期有日而賢夫之譽多愧張
耳非壻之才偶同王粲瞻言前事良以自羞曲
降降慈俯垂珍錫便使含贄發舉纁幣有資佩
服寵靈殞越非報

謝東宮賚炭啓

洛城雪深不見海神之跡滹沱冰合無待王霸
之覘聚而爲岳大壯黑山稱之以舩將重牙獸
鑪生烽焰室滿紅光雉裘入而識奢鼠布焚而
無汚

謝東宮賚鹿脯等啓

上林絕胡人之搏禁地無張京之犯而猶有班
超游獵李廣馳射遠歸於厨吏入貢於腊人形
圖三事之車影入九仙之鏡

謝東宮賚藕啓

色華玉樹味奪瓊漿根出楊池開之僅約子爲
靈散得自莊篇楚后江萍秦公海棗凡厥水羞
莫敢相輩

爲皇太子謝勅賚功德馬啓

伏惟忘我狗物屈已濟民該天地而大捨總日月而爲施旣脫輓於金輪又解驂於紺馬出余吾之水服騶駼之廐名高夏后之龍價倍田方之贖謹當秣以柏葉飴以丹棗加之玉鞍飾之金絡

謝南康王饗牛啓

雖復蜀守神牛秦公怒特穆王白角何氏瑩蹄
無以逾其勁力邁其致遠直宿九重獲免疏步
路休三逕且息徒行從祀甘泉方無假於丞相
騎至清廟又永笑於博陽

書

謝賚林檎書

勇聞齊國止錫二桃遠至仙方裁蒙數棗豈如
恩豐漢篋賜廣魏奩姪女數而僅通筭郎計而
方得生於玉井之側出自金膏之地土靈所貴
卜土希逢

贊

辟殿青牛畫贊

泰山怒特吳渚神牛氣噓風噴精迴電流詎牽
和鞅不入裴鞅狡力難京肆怒橫行朗陵瑩角
介葛瞻聲遁仙託稱妖寇馮名名震八區威陵
五都蓄勇槽側息憤場隅仇覽獻豆滕嬰進舄
雄兒楷式悍士規模曹興拂承徐邈成圖

正旦春雞贊

寶雞陳倉祠光表神雄
飛霸秦排鷹激怒礪翅
張頤電鞭失熠雷車折輪
助標魏教擅塲齊珍名流
晉戟歌傳漢臣竊脂善盜
搏穀難馴綠鸚智淺蒼鷹
害深蕪姿五德歸于翰音

附錄

劉孝威小傳

唐姚思廉

孝威初爲安北晉安王法曹轉主簿以母憂去職服闋除太子洗馬累遷中舍人庶子率更令並掌管記大同九年白雀集東宮孝威上頌其辭甚美太清中遷中庶子兼通事舍人及侯景寇亂孝威於圍城得出隨司州刺史柳仲禮西上至安陸遇疾卒

摘安石榴贈劉孝威

梁王筠

中庭有奇樹當戶發華滋素莖表朱實綠葉厠
紅蕤旣標太冲賦復見安仁詩宗生仁壽殿族
代疑作茂河陽湄有美清淮北如玉又如龜退書

寫蟲篆進對

一作封

多好辭我家新置側可求不

難識相望阻盈盈相思滿胸臆高枝爲君採請
寄西飛翼

遺事

晉安王在雍州命劉孝威等十人抄撰衆籍豐

其吳饌號高齋學士

南史庾肩吾傳